

旭華堂文集



02301

旭華堂文集卷九

祭文


祭陳文貞相國文

嗚呼先生之歿某初聞諸道路之口不得其審
私心以為慎密高簡如先生當享期頤之壽斷
羣疑審國是以上答 主知而豈其有此既
而質諸仕籍之人至以 御製輓詩見示乃
知山崩水隕變出不測而天心之難以私擬也
為位而哭之邨居之僧寮薄陳牲酒以稍盡門
墻之禮嗚呼傷哉 國家倚毘之重 當宁

旭華堂文集卷九

祭文

眷顧之慤百僚正屬目而望萬方且引領以須
胡然而遽至乎此某之不肖向被 嚴旨誥
急西歸既束裝而心有未盡請得一造膝而從
容以啓乃力疾引前而適值下直之晚登堂弗
覲垂首塞默以退於旅邸嗚呼難哉區區之誠
既不蒙 黼座之采而一得之愚曾辱先生
之下問而觀其指蓋某之云云者固亦畧有所
見思以善其後為宗社之長計而不徒於爾爾
而詎意其果有後日之悔耶客春卒卒北上將
因無疆之頌以再申夙鄙而素誠未孚無知見



放終於一無所濟維時鬱鬱在中噎不得語將
問道析城之旁走達諸丹旄之側又恐以廢棄
之餘行李周張橫遭里父之非笑或以縮其頸
而冷其齒嗚呼使先生而仍在位也 鶴禁當
不至於再遞卽不幸而 聖心弗契亦當有
以默挽於密勿之間而不至於終否卽不幸而
回 天無路而款款之忠亦當有以微見於
朝著之上而謹論將因以繼起卽不幸而

聖怒難犯而積誠相感開導羣言亦當有以霽
一時之雲翳免後世之譏彈而刷當代士君子

旭華堂文集卷九

二

祭文

之深恥而乃使先生而遠至于此先生之所關
於今日者詎徒然而已耶嗚呼哀哉地下天上
悲繼見之無時元室幽堂慚終身以何逮某尤
願先生之無以國事爲局外而漠然於在天也
牲酒具列庶以鑿予之悃忱而無以爲彼嗚呼
傷哉伏惟尚饗

祭周太夫子文

嗚呼捧腹飲河必溯其源東身蔭木必探其根
淵出珠璣崗產璣璠譬小子輩仰止師門家學
有自世德斯存維太夫子名與道尊峩峩丰標
鳳翥鸞騫閭閻氣宇玉和春溫大江之南人文
所萃誰執牛耳誰樹赤幟千言刻燭百卷盈筥
格衷諸古義抽其秘丁帳談經踵門執贄士林
楷模風雅鼓吹唾手青雲謂可立致文高不售
鍾祥令嗣我師奮起勁翮飛翔探花上苑視草
玉堂文成錦繡器重珪璋 帝命持衡蒞茲

旭華堂文集卷九

三

祭文

晉陽所賞神駿而豈驪黃伯樂一過冀無留良
余小子輩叨入門墻從此晉士始知文章猗歟
仲君嗣登進士操行修潔惟父兄似花縣分符
循聲盈耳鳳兮將雛麟兮有趾蔚然諸孫庭堦
競美齊名菽壇聯袂泮水濟濟娟娟以爲翁喜
過者必軾高陽之里太和所聚諸福所加天眷
明德百歲非奢胡德無量而生有涯南極歛芒
少微掩華風妬喬木雲埋暮霞疑遊帝所疑泛
仙槎尚有典型其人已遐一老不遺舉國嘆嗟
孝哉我師性敦孺慕爲羨慈烏乃辭鴛鴦十年

請假以奉杖履飯則侍食行則侍步意必先承
色無偶忤凡可娛老志物悉具旣隆尊養亦懷
喜懼豈謂孝思遽感風樹驢等謏劣藥籠見收
二十七載恩誼綢繆欲報涓埃有懷未酬聞師
在疚相對涕流山川間阻赴哭末由匠事誰敦
兩墓誰修雖有弟子不分師憂倘誅後至厥罪
實尤維太夫子未親劍履跡阻登堂情深仰企
奉計驚心哲人萎矣本源之思何能己已或賦
楚芘或薦芳芷綸綉增封鄉社崇祀神之洋洋
幸不我鄙請徵後福有如此誄

旭華堂文集卷九

祭文

祭提學喬德元文

嗚呼先生予不獲復見先生矣庚寅之秋趨謁錦里童子扶肩迎我色喜高齋握談蒹葭玉倚豁當世之夙憂剖根心之名理會幾何時而遂奄忽不起耶嗚呼先生予不獲復見先生矣猶憶庚辰檣烏南指適值高旌校士章水旣公且明厥聲煒煒幸內召之非遙快哲人之多祉凡皆依依如昨何遽使我失聲而垂涕耶嗚呼先生予不獲復見先生矣猶憶往時同官京邸論德論文獨推桑梓予以鈍才四方脩使喬旭華堂文集卷九

五

祭文

許張高西清肩比冷况蕭然偕樹晉壘念惟先生玉立金陛騰翼凌雲戢翰浮海朝士目

之品高百揆旣列郎班含香望俊斟酌百工肅清三禮遂以有用之文章出典學政於南紀孝弟詩書樹爲縫掖之楷模章陳羅艾收作宮墻之桃李蓋江右之流譽藹然而朝著之公評特美今屈指而數二十餘年耳而遂使我生物在人亡之感流連歎歎而不能已耶嗚呼先生予不獲復見先生矣多言而躁先生之諷我也予當奉之以爲軌容氣用事先生之規我也予

將佩之以沒齒今而後幸不爲小人之歸遵先
生之行而庶幾於君子尊酒東帛或不見鄙鳴
呼哀哉伏惟尚饗

旭華堂文集卷九
祭文

祭閣學誠居文

嗚呼名傳琬琰學闕青箱何玉山之倒影痛金
刀之掩鏖世交推夫嶽嶽人自惜夫堂堂矧分
支於丹旆尤誼切而心傷惟靈昂星應祉日角
呈祥胸羅武庫手抉天章至性實符乎曾閔
驚才遠駕乎班揚甫弱冠而操觚志凌雲而排
界力追正始之音不襲巴人之調汲修綆於千
秋獨旁搜而遠紹拾科第於連年信懷奇之必
報極諸儒之妙選縱高步於瀛洲掌北宮之視
草備東觀之校讐主瑣闥於兩浙快竹箭之爭

旭華堂文集卷九

七

祭文

收蓋覃精於羣籍纂勝國之陽秋旣而風折庭
椿茹悲曷極人傳和嶠之憂聲咽泉魚之泣擬
終身以誓墓迫慈命而還朝入龍樓而應教
騁麗正之華鑣謂鍾情之獨甚痛玉樹於垂髫
雖班資之屢陟益四顧而無聊時則說書崇政
記注延英侍彤闈而橐筆拜講幄而彰纓邁羣
材而超擢激知遇於丹誠給金釭之二等荷學
士之殊榮惟文章之表率定南國之法程膺
九重之特簡爰再命以持衡佐絲綸於元宰
亞春官之上卿想鹽梅之重寄將有待於和羹

念白雲之親舍早慷慨以陳情效板輿於潘岳
賦朱萼於長生奈玉棺之遽掩空目斷乎霞精
慨盛年之華髮悲薤露之淒清某等謝庭承袂
阮巷隨肩時親模楷奉以周旋方冀佩虔刀於
淮水調臺鼎於光延詎儀型之闕若夫何靳乎
百年羌陳詞而一慟庶昭格於靈筵

旭華堂文集卷九
祭文

祭山東運使簡菴宗弟文

河山之秀聿鍾賢豪斯人特起朝野名高湖其始也穎慧夙標頭角旣露林瓊樹瑤文戰不偶鼓鐘逍遙乃從仕版乃積民勞青齊一試祝頌在郊旣垂厥績粉署以翔含香見異遊刃斯陶不三四載閩海飛鑣金章紫綬坐鎮風濤寧人息事訟廷寂寥崇飾廟學文士環橋臨汀問俗獲澤撰騷當道拱手卓冠屬僚天子寵異榮有賜袍嘉乃厚德慶爾奇遭東國齟務久矣言凋羣焉相視莫爲之調廟議推擇用及吾

旭華堂文集卷九

九

祭文

曹經營萬戶捆載萬艘課利萬端蠹弊萬條似待今舉似待今消他人值此正苦飄搖力大任小獨有餘饒掌臬人乏復爾見招從容以理牙角無罣方擬遷擢赫擁節旄孰謂心遠明發思焦請告得遂歡然鳴臯惟柔仰庇永久永朝百空盈止以遊以遨惠我人斯僉冀壽髦胡天不仁輕雲在霄忽爾卷舒我心忉忉瞻彼丹旌淒其長號魂兮來格享此醴肴

祭少司空松坪文

嗚呼司空亢吾宗也吾前後寄音都門且不知
幾通也司空既位尊九列而簡牘旁午疑無及
裁答之從容也吾初無絲髮之嫌妄及親友止
拮据而展吾衷也乃都不相厭往覆周詳若以
爲積累稍稍見効而於國亦若有功也既聞其
憔悴致疾肢體不便憤歎時填胸也退食之暇
積悶莫舒無可告語深閨伺察致抑鬱而長終
也倉卒聞之駭異無言僅致兩帛以表此中也
嗚呼以司空之家世以司空之性情以司空之

旭華堂文集卷九

十

祭文

左右指使孰非捷便順利而何不可以自雄也
吾方相期以臺司之顯爵剖土之榮封承祖先
之餘蔭普世澤於無窮而何意其溘然一旦使
人悲嘆而莫之蹤也使間冷如吾懶散如吾而
值此鋒也將短於謀而拙於事不特赫遭嚴譴
而且忤諸僚友無與爲同也嗚呼兄弟之好千
秋一慟當年篤密之情懷實無間於南北西東
也讀臨汀考言之刻知顏鎮之舊德猶豐也司
臬憲副之調度猶是蹇蹇之匪躬也上而 恩
封府君既顯邀 寶誥之華袞又迭載 御墨

之崇隆貽子孫馨香於百世拱 丹書輝煌於
九重蓋尚德歷歷而可想自表德逐逐而
可風嗚呼司空果息六之大鵬抑瑞世之人龍
吾不能知其所以然將欲地下相遇而話言於
幽宮

旭華堂文集卷九
祭文

士



祭王帽谷文

庚戌進士浙江巡撫

嗚呼公何爲而遽至此夫衆萬之生莫不有死
死而無關於世亦奚足齒而公則朝家之斗山
而邦國之柱砥三公將藉以爲重百城方待以
爲理名秩雖崇功施未侈抑何爲而遽至此素
幔設而海邦罷市丹旒來而天都虛里況於吾
徒誼則班聯之與共情則蘭臭之相比固宜慨
念疇昔於邑流涕而不自已嗚呼公之初也公
在太史挾天華 國 九重有喜趨 玉階
而步 金祀抒岳筆而運廣旨 帝用嘉之

旭華堂文集卷九

十二

祭文

司成是委士羞佻達人慚華詭盖且抗昌黎之
顏而追安定之軌旣佐京兆緇塵如洗暴客潛
踪責遊奉紀張敞之嚴而不可劉悛之和而克
濟眷顧日隆聲譽斯起飭法戢奸乃命作士敬
慎奉戒於姬公欽恤秉訓於媯水嗣是或修牧
園之政用蕃駮駢或列風憲之長載清丹陛則
雲錦成羣比跡毛仲丰稜可畏追踪元禮莫不
告成績於旬月結主知於斧屨嘉乃經綸寵迭
金紫司馬之授詎爲徒爾我戰則勝藉天威之
上臨好謀而成惟中樞之是倚蓋公之英采絕

人久見推於遠邇而不事纖屑有懷澄清已能
令人望風而靡故用以建節海疆擁麾南紀實
託以方叔召虎之寄而授以建威銷萌之指嗚
呼公何爲而遽至此公之風致則杜蘅芳芷公
之精神則淵渟嶽峙公之善射則宜深弓而樹
殺矢公之論文則籠參苓而盈桃李而况雁行
又琳瑯觸目鳳毛皆芳蘭竟體行且上蒙異數
特邀任使則夫佩刀曳履何難聯翩鵲起何不
總羣工而相

天子何不受介福而錫繁祉
何不龜雀同算而彭聃齊齒嗚呼公敷歷中外

旭華堂文集卷九

祭文

且三十年不可謂之非顯仕而吾輩所尤悼惜
者則以撫軍之十二條布置方始而晉籓罷糴
畿服賑饑之德美其食報尚未大快耳嗚呼公
何爲而遽至此絮酒陳奠蕪詞申誅撫念疇昔
於邑流涕其能自己

祭知縣郭繹茲文

嗚呼先生我輩平昔之所以相期待者豈其欲如斯止而今竟如斯止耶天之所以予先生當亦不欲如斯止而世之待先生竟如斯止耶嗚呼先生世之人長於才孰與先生富於學孰與先生高絕其品孰與先生老潔其詩若文孰與先生然彼皆不如斯止而乃使先生如斯止耶嗚呼先生世之如斯止者亦往往而是矣先生而亦如斯止也先生寧以戚先生而卽不如斯止也先生寧以侈顧予之於先生期爲宗社計

旭華堂文集卷九

十四

祭文

久長期爲民生藉覆被胡不建旄節撫方州胡不作鹽梅相天子而乃如斯止耶嗚呼先生乙亥之春盤桓京邸聆揮塵之緒餘快疑義之就理維時數相過從頗窺底裏私念如先生者必不如斯止而斯特用行之始孰意竟如斯止耶嗚呼先生爲令實難政何獨偉賤子無狀饑驅臨水入其署而堂皇倍間行其野而頌聲四起如先生之所爲詎宜以如斯止而仰彼昊蒼位置失紀庸夫有彈冠之慶高賢抱失路之恥况復素稟孤潔淡於進取烏得不如斯止耶嗚呼

先生宦海波揚誰云能仕余實昧味貪不知止
顯悖幾先之誠徒冷高人之齒國本未定廟堂
自有遠謨瞽說欲伸草野徒爲私擬先生更導
予以長歌詞意諄至淋漓而滿紙嗚呼見之明
則爾守之定則爾誰爲爲之而遂使如斯止耶
嗚呼先生憫我之愚亦云亟矣規我之陋亦云
殷矣自今以往我其終於愚而不獲一聞規切
之訓矣我其長此無知已矣先生而如斯止也
先生之不幸世道之不幸抑亦我小子之不足
教而多可鄙乎嗚呼先生而竟如斯止耶東帛

旭華堂文集卷九

十五

祭文

陳案佐以卮醴在天鑒之莫遠具邇嗚呼哀哉
伏惟尚饗

祭山東青州知府道豐李公文

嗚呼公鄉國之人望也而今遂已矣始予聞青州之命而喜意以公之碩才偉抱徒選爲監賑使者可以保億萬之生靈何如握符一方從容料理爲天子師保邦國以畢公東郊之任普海岱雨露之沃恩也繼聞藩司之署而又喜意以公之厚德泛愛徒揮爲一郡太守可以壯青齊之保障何如藩翰東土養之教之慰斯地斯人困頓之苦以召公甘棠之惠樹萬世不朽之鴻功也嗚呼公之藩司直攝耳而視彼非攝者何如也公之郡守亦未久耳而視彼久任者何如也禱雨而雨輒應捕蝗而蝗輒消公之得天厚也畿輔而保全數萬秦豫而保全百萬公之得人深也孝於父母和於兄弟篤意於親戚師友公之於倫誼情摯而禮脩也若子若孫環珥稱其家兒公之後人亦可稱衍昌而能世其家也公在天之靈亦復奚憾也而予獨耿耿若有憾於中而不能爲公釋然者今內而九列八座外而制撫兩司能各盡厥職如公之靖共爾位耶能如公之廉靜自持耶能如公之

仁恕周物耶是公所宿嫌而不能快然於在天
者也夙心悒悒薄陳欵欵維公有知鑒我鄙誠
嗚呼哀哉尚饗

旭華堂文集卷九
祭文

祭侍御董雲麓文

康熙歲次庚子十一月二十一日侍御董雲麓先生於其所居之小淮村辭廟社去親知歸於長休之館永止之堂其友人王奐會者乃携烏絲之幣白金之卮陳於靈次而爲言曰嗚呼先生遂如是止乎先生之與余交遂如是止乎夫精氣游魂萬物之終始也余知先生之英英露爽卓然萬物之上者必不因之爲終始而竟若滅若沒若遂因之爲終始嗚呼哀哉先生遂如是止乎先生之與余交遂如是止乎余嘗察先

旭華堂文集卷九

六

祭文

生於談吐警欬之間先生之豪氣自在也先生之英風如故也固未嘗一日而止也而何爲乎與余交者遂泯然止也咫尺之書久不聞於余之耳往來之跡久不接於余之目余嘗登高而縱覽其策騎而來者非先生之形也耶余嘗靜坐而神馳其玉立而拱者非先生之貌也耶余嘗逍遙乎虛齋而風拂乎戶外見有人焉鬚鬢多鬢而器宇軒昂者非先生之意氣也耶嗚呼哀哉先生固未嘗如是止也其蕭然與化俱盡者同萬物偶賦之形體其卓然不與化同歸者

超萬物獨留之精英嗚呼先生高高在上者天
也余日與之相見矣明明在目者日星也余日
與之相臨矣肅肅在頭面者霜風也余日與之
相左右矣先生之與余交固未嘗止也特以先
生之長歸不得一執先生之手爲百年訣別之
詞知先生於我乎不能無望也先生之與余交
乃遂如是止耶嗚呼哀哉

旭華堂文集卷九
祭文

公祭固安公文

戊辰十一月之朔日固安令雲巖王君永歸於
幽宅時君在殯已十年餘矣諸姻友某某悲感
不勝謹以先三日肅庀諸品之儀會奠於君之
靈而爲文以告之曰天地之化終惟其始斯人
之質生必有死生吾其羈死吾其歸與化爲一
抑又何悲獨惜君者空行天馬萬里斯須數乃
不假彼劣而修君顧學優珊瑚架筆玳瑁緝樓
彼陋多祉君顧才美楊柳含烟芙蓉出水彼天
者庸君顧氣雄絕塵逐日健翮凌風彼康者詩

旭華堂文集卷九

三

祭文

君顧品貴金箭南來球圖東萃以君之能奚往
不勝何辜於天而不君興詎其自律或罔所恤
挾持以往及半而詘君則於親棣華棘心田荆
思痛哀蓼輟吟君則於友伐木釃酒綈贈憐故
笠戴要久君則於官威鳳祥鸞理絲鋤暴拔薤
起殘君復何忝而享之淺中何所憾而徒自矜
昔在北闈羣兒衣緋私有喜怒公無是非君實
矯矯狂瀾爲倒文運陰霾得君其果嗟哉君乎
君誠丈夫志節慷慨不愧吾徒奄忽時改蒼茫
桑海王畿之左喪我賢宰藐彼方城乃促君程

一第爲貴一命爲榮古之君子修身以俟君雖不永不爲徒爾况復翩翩有子象賢步君之武舊物依然嗚呼哀哉使君而壽考也計今五十未及於老也卽無問其爲帝弼爲民保也有斐其文學士之宗有卓其器鄉邦之寶也而今乃孤寡衰經親賓素縞柳車會駕漆燈已兆也賈傅之年何短終軍之去何早也質豈其獨脆化豈其獨絞也雖復達生誰能不感疇曩傷懷抱也聊抒臆以素旒庶達誠於丹旒也

旭華堂文集卷九

祭文

祭吉州守脩劉蔭長文

悲哉蔭長吾自今遂不復與君相見矣春初君來屈指示我謂某時當過某時當過計今歲尚有一二次相見也談敘之時每嫌倉卒後晤有日尚冀綢繆孰意其終竟不復相見耶悲哉蔭長吾與君周旋以一日之知申訂以百世之誼君之在官吾所熟悉蓋大抵以清通爲主和易爲用拊循士卒不啻其子弟而少有不率輒繩之以法而未嘗令其怙恩以輕縱悲哉蔭長士苟不得志於時使之逍遙於寂寞之濱與牧豎

旭華堂文集卷九

祭文

三

樵夫窮年爲伍可耳何爲乎羈之以官而不使其有爲官之樂縻之以祿而不使其有享祿之榮嗇囊無以結上官之歡心冷况無以邀遊士之美譽前蹶其步後掣其肘欲踴躍而不能欲歸休而弗得此造物之所播弄今古之所同慨而烈士之所傷懷而不自己也悲哉蔭長君竟不與吾相見矣此種種者吾欲問之於天而天不可近吾欲問之於君而君竟無言每一相見輒爲之歎息者累日悲哉蔭長吾老而廢君窮而死生當否運大抵如是昔之聖賢亦復爾爾

今之傑人詎能免此達者曠懷生死一軌願君
長往勿徒自累鷄絮薄陳餞君千里悲哉

旭華堂文集卷九
祭文

祭知縣屠封翁文

嗟乎悲哉余輩遂不及見先生矣先生衆父之
父衆母之母余輩所宜見也先生父衆父而諄
諄示以父之義母衆母而諄諄示以母之道余
輩所樂見也宜見而不見樂見而不得見既往
之悔抱恨在中瞻就之思鬱結無已此在行道
之人聞風慨慕猶切依戀而况余輩之食福有
年醉德無量其何能不悵然增歎仰天而欷歔
也耶嗟乎先生耀燕山之秀含越水之靈交盡
天下士爲上國之人傑讀徧古今書爲當世之

旭華堂文集卷九

三

祭文

奇英集赤堇翠岩之光華振司寇冢宰之家聲
步郭隗樂毅之餘烈揭金臺易水之遺踪悲哉
余輩遂不及見先生矣悵夜臺之寂寂傷泉路
之悠悠却世累而長暝與造物而爲儔諒閔念
斯人之情終古而不泯知三代直道之譽愈久
而勿休嗟乎悲哉余輩遂不及見先生矣先生
遂不可得見矣自今以往先生有靈其勿使我
明府之遠離我鄉耶其必使我明府之再出而
近仕茲土庶以終庇我鄉耶先生所諄諄示以
父之義母之道者庶以垂父之母之之模楮於

我鄉即有牲陳案有酒盈觴洋洋在上鑒我衷
腸悲哉尚饗

旭華堂文集卷九
祭文

公祭吳隱居文

康熙戊午夏吳隱居某翁卒於古晉太平之縣署其猶子太平知縣星子公哭之絕復蘇者數四已爲設奠朝夕哭上食邑紳某某感我令公之篤於親親因嘆某翁之就養於官旣得其所可以爲樂不宜及此而乃及此也爰具羊豕酒果庶品之儀祇修奠事而爲文以告之曰維吳天下之望也自季子流風代鍾英賢而簪纓世承時篤公子之翩翩公以方伯哲嗣與我令公之尊人中翰太翁金玉友昆璧合而珠聯若父

旭華堂文集卷九

祭文

三五

若兄業以勲名文章炳耀當世而濟美乎後先公乃獨泥塗軒冕不求聞達遺世而自全此功名之士所爲慨於坎壈日纏而以視乎公則終不以爲然然則得失榮辱之故必有了了在中心者而况死生之際自能聽諸漠漠不可問之天而又何有於斯人之欽風喟德徘徊而流連嗟乎公去家千數百里卒於茲土不知者必且謂歿不於其寢祭不以其豆籩婦不視其殮子不奉其几筵公而有知將戚然不樂長抱遺恨於幽泉君子則以爲明達如公夫豈遂若是之拘

學人生直寄耳江之東山之西孰辨乎此爲異鄉之風景彼爲故國之山川魂氣逍遙而上下何必不西證菩提東揖讓乎偃佺且以世情言之妻孥之相向而號莊列之所必捐而宦邸治喪歛具必精弔者哀奠者虔又人士之所快心而樂傳矧以我令君親誼篤摯涕泗嗚咽奚間於嫡孤之擗踊徒跣長號而涓涓行且丹旒高縣歸之故阡素車白馬不減劇孟送死之當年旣妥厥靈乃撫其孤公於是可以洒然而長眠嗚呼不侈而行乃豪不貴而名乃宣死而有托

旭華堂文集卷九

三

祭文

於後生而無憾於前人生斯世如是者亦復幾焉而某輩顧猶唏噓而不已者則以公就養得所以爲樂不宜及此而乃及此是以不能不興悲而動憐

祭候補主政源二宗兄文

嗚呼先生吾之兄也秀挺絳水亢吾宗也踵武
司李振家聲也我先奉政與司李公修雁行之
好始樹盟也先生篤念舊誼不墮世德志繼承
也自曩歲吾旣歸里出入卒卒而禮先於我申
夙好聯故情也山居拙滯無以自見辱加注念
益感德度之崇也承其容接聆其謦欬彬彬乎
君子長者之行也覘其丰采窺其意度翩翩乎
風雅文物之英也臨其堂宇手其卮匱洋洋乎
鐘鳴鼎食之風也賓客服御之華卽彼都人士

旭華堂文集卷九

三

祭文

莫之與京也器具玩好之陳卽五陵貴客罕儷
厥精也使令奔走之承順卽勲室戚里公相左
右無以逾其利便而捷輕也嗚呼先生吾與兄
握手之期客歲之冬也今幾何時耳遽騎箕尾
而長征也粹然之色猶在吾目藹如之音猶接
吾耳遽使吾凭棺而撫膺也將西遊乎迦陵或
東馳乎蓬瀛將開寶樹之千葉或產靈芝而九
莖吾欲問天而不得吾欲求幽而不能念聞訃
之日久慨涕泪之未傾徒終朝以切切乃及今
而抒誠幸眷我兮如生庶來格兮明明

祭吳山帶文

嗚呼士之清曠間適自好者類喜自放於山陬
水湄之間以抒其嘯傲而養其天真其於世也
如麋鹿之游於曠野而松柏之植於巖阿泊然
無求於世而世亦不得而蔽之若我山帶則真
清曠間適士也而乃驅馳道路以死何哉君南
海望族早歲聲震膠庠長益肆力經籍汎濫停
蓄發爲詩歌古文幽婉雋拔卓然大雅之遺又
善繪事凡花木竹石虫魚鳥獸懸筆狀之無不
曲肖以是嶺南之士翕然稱之性既恬澹不樂

旭華堂文集卷九

三九

祭文

聲華凡達官顯人欲邀致之則去之惟恐不速
以故沉淪於諸生中者垂四十年癸酉予典試
粵中君之知友力勸君就試榜發舉尚書第一
人明年試春官歸過齊魯浮江淮訪姑蘇錢塘
諸勝吟咏盈帙逸興悠然蓋君之計偕北上原
以尋山水之緣而非以干遇也丙子夏暑氣方
盛君忽抵都傳刺來謁余喜之甚不束帶而出
既見其神色憔悴若有大不豫於中者詢之則
沿途被病實爲要人所迫不得已而來也君友
行唐令邀致署中久之病劇復還都門未至六

十里而歿嗚呼哀哉今之爲士者頗諳筆墨卽
挾寸管走長安干諸貴人冀其游揚以博一日
之遇以君之才稍自貶抑逐利名場承明金馬
之間自當早據一席乃旣絕情世故矣天當使
之偃仰山陬水湄以自遂其清曠間適之情羅
浮珠海之間固逸人之所以徜徉肆志者而乃
奪其麋鹿之性屈其松栢之姿驅之奔走萬里
之遙委頓困罷而死於道路天耶人耶卽修短
之數不可逃然從容易簣於家人父子之際與
倉皇畢命於牛車茅店中含殮於二三僮僕之

旭華堂文集卷九

三

祭文

手其爲幸不幸相去何如此余於君之歿不禁
爲之嘆息痛恨深思之而不得其故也嗚呼君
死矣不可復見矣君之篇什翰墨固余所賞好
而不能釋手者昔蘇長公見與可畫竹爲之痛
哭失聲况誼在師生情好契篤如余與君能不
觸目傷懷泣然而慟也耶南望一奠尚其鑒之

祭知縣槐符宗兄文

嗚呼昆弟之好永世是結云何一朝生離死別
回念疇曩賢書榜揭文如吾兄哀然高列同舉
雖盛俯視一切乃若阿弟筆墨特劣附驥之尾
亦與叨竊兄則顧我推以骨血式好無尤左提
右挈及爾入官內外分轍冷署劇曹耗我歲月
大河之西夏陽宰缺兄時在次福星晔晔秦晉
帶水儼然捧檄稷嶺汾干近交眉睫情同桑梓
人希蔭樾天奪我翁百里雲寂家山旣歸乃復
一跌風心莫白竟遭讒齧蒼狗白衣虛空一瞥

旭華堂文集卷九

三

祭文

哀哉兄乎從此遂決初得家問使我慟絕靜念
音容神思飛越生芻之薦時日屢閱京邸蕭索
人更樣拙兄能諒我夫復何說嗚呼哀哉伏惟
尚饗

祭鹽道簡庵宗兄文

嗟生人之如寄、乃芻狗於造化、儼衣冠之在御、忽與世而長謝、彼匪才而無補、亦奚用夫相訝、或蟲臂與鼠肝、誰留連而難舍、乃若行修於家、則洩洩而融融、德立於鄉、亦汎愛而必恭、道施於齊楚之郡邑、則人頌不朽之澤、而世傳可大之功、如斯人者而修焉、告殞誰能不有動於中、嗚呼公乎、器云大矣、而亦厚、厥社才云廣矣、而亦達於仕、以承先則鸞章鳳誥、榮及父母、以裕後則紆紫拖青、施於孫子、念修短之有數、何必

旭華堂文集卷九

三

祭文

久視之爲戀而返真之非美、而余輩顧羣然相告、殷然走奠者、不自知其何以不能已、嗚呼公乎、郡佐雖卑、而項則強、敢於不率、吾法有常、花封百里、兩典金章、撫字我人、導之農桑、福及百世、簡簡穰穰、祝頌匪虛、視彼甘棠、寵茲良牧、乃之桂陽、齒則暮矣、膂力方剛、賈我餘勇、燕彼南荒、曾不逾歲、理我歸航、嗚呼公乎、源遠者深、長根茂者實、遂貴而且壽、旣爲當代之人、瑞有子象、賢復列藤、署而蒞位、况堦前之玉樹、皆山之輝、而澤之媚、從茲爲鄉邦之風、望爲朝家之表

轍公亦可以長泯而無所愧矣余輩蕭蕭宦旅
會一束之莫致僅列名於素旒能不臨風而長
喟

旭華堂文集卷九
祭文



會一束之莫致歟嗚呼哀哉素旒能不臨風而長
喟公亦可以長泯而無所愧矣余輩蕭蕭宦旅

公祭吏部主事許壯其文
嗚呼公竟不保厥生耶以公之體氣虧憊固不敢妄期以遐算以公之神志淵靜亦誰能遽限以短程而彼蒼者天乃卒以虧憊促其年而不以淵靜扶其傾而如公之人卒以體氣卜其數而不以神志固其形嗚呼傷哉八十歲垂白之親而今獨矣使其顧瞻膝下何以爲情四五歲襁褓之兒而今孤矣使其哀啼莫閔何所倚而自底於成室中之人諒與公年亦相若而今寡矣仰事俯育復何所資而使其獨手以擎嗚呼

旭華堂文集卷九

三

祭文

傷哉公之目其不瞑矣客冬長江飄泊風雪連朝吾始聞公之喪而哭公於皖城今春淮水舟次步月長堤念公之極而憂公握手如平生夏仲與公之姻好話公之後事於汝南之客舍而不覺痛哭以失聲嗚呼傷哉公其知也耶其不知也耶公之立身人欽其行公之閱世人服其誠卽公之在官人亦且艷其名而獨其中之所以自主者人莫得而聞之而吾自謂可以識其精卽吾與公之夙昔人亦莫不與聞之而我之知公公之知我亦獨我兩人有默會焉而世或

妄擬以車笠之盟嗚呼傷哉吾與公素期都不
在小繼自今有爲將誰與謀有言將誰與聽公
竟去我而長征進不及偕步於春明退不及籌
乎林間之嚶嗚嗚呼吾亦何心於斯世而徒爲
風塵之營營傷哉傷哉公嘗謂予母子相依爲
命又嘗以七世單傳自苦其伶仃又嘗以朝暮
之養井臼之勞時爲之焦然而不寧而今乃使
三世之人俱在無告之例其能忽然於冥冥嗚
呼公聰明正直在天有靈其必能得請於帝期
頤其母成立其子俾室家安和反否而亨卽吾
輩亦得以左之右之相與盡死生之交情也操
此蕪詞以侑杯羹公其勿吐我心忤忤傷哉哀
哉伏惟尚饗

旭華堂文集卷九

祭文

公祭李明經憲齋文

憲齋李子以庚寅之夏某月某日告終而其遊
好姻戚哀其不遇而老至於冬孟之十月乃釀
金治具命王子爲文以奠王子曰嗚呼李子今
之日何日也吾嘗與子拈題角藝縱酒快譚今
幾何時乎子之容光猶在吾目子之意氣猶在
吾心吾遂爲子脩告奠之詞也哉嗚呼已矣遊
好之輩薰香於爐姻戚之倫酌酒於觴王某某
前揖而致詞曰明經先生先生竟以明經終耶
歷覽在前窮搜在後操觚應舉羣飛若鷺先生

旭華堂文集卷九

五

祭文

類不應以明經終而竟以明經終耶遠溯唐薛
近跡金陳八股時藝翹踵何人論者謂先生必
不以明經終而竟以明經終耶書旨奧抉文思
水注吮毫落墨言必中的卽先生自意亦必不
以明經終而竟以明經終耶嗚呼傷哉奮步南
宮高翔北闕萬斛泉源其一揮五位警欬其若
接先生胡必不甲第嗚呼傷哉桂香馥馥皓月
澄澄秋風利而衫青文光耀而鹿鳴先生胡必
不鄉舉嗚呼傷哉靈通筆花氣作文戰主司之
摸索無權榜次之名額有限先生卽胡必不副

車而乃卓犖名傷身纏坎墮崢嶸士列時苦遭
迴雖居室之完梓里美其輪奐而書債之償鷄
壇訝其沉狸嗚呼傷哉慶衍螽斯祥徵麟趾薛
鳳荀龍先生有子珠芽顆顆玉笋森森繩其詒
厥先生有孫明經而旣昌後矣南東其畝歲取
十千响响原隰先生有田竹苞松茂治此堂皇
攸除攸去先生有房明經而旣峻業矣論文而
知隴西之名譚經而冠河東之座三十六岸之
筆墨共聽譏彈玉府三州之衣冠人推翹楚明
經而旣譽流鄉國名傳海宇矣先生其無以終

旭華堂文集卷九

三

祭文

此明經者爲遺憾也乎牲鬯在列餼果滿案先
生有知庶無吐焉

祭順德知府勉齋文

嗟乎悲哉胡彼蒼之不仁兮奪賢豪其焉往將
代謝之有時兮遂與化而消長彼流俗之營營
兮殊猥瑣而難語若吾儕之高步兮何天日之
清爽偉修幹之昂昂兮縱磊砢其多節薄雲漢
以張吾軍兮負奇骨之骯髒嗟乎悲哉論斯才
而鄙置兮節旄之建誰其兩伊邢侯之故封兮
直向末之敝壤夫何運會之未叶兮乃一麾而
出守將孤山漳水之間兮詎足以酬吾黨美童
子騎竹之迎兮戴慈母以熙熙轟行人口碑之

旭華堂文集卷九

三

祭文

頌兮仍古民之蕩蕩嘆莽月三年之不獲所志
兮竟兩岐五袴之終虛厥想嗟乎悲哉丑春之
別兄不勝其惘惘手足之愛某時切乎怏怏殊
不料剖袂之景轉卽爲永訣之象藐前途之昧
昧兮望河山之莽莽向者牧郡之初拜兮諒亦
期乎一晤計旬日之爲程兮且駕言以北上嗟
乎悲哉天胡憎予之好會兮寧謂山爲長謂河
爲廣乎方憤秉憲之狂狡兮加以屬僚之擾攘
簿書期會之罕經兮束帶倒板之何足褻慨省
郎之屈節兮遂厭世態而絕塵網俾予涕泪無

時兮風慘日昏祗益予之矐瞵嗟乎悲哉兄無
止兮雲幕月幌兄其來兮跨虬服麟列羽旗兮
儻忽去天門兮遊賞如平生兮慷慨瞥若見兮
朗朗高望兮鑒茲區區伏俟兮我心養養悲哉

旭華堂文集卷九
祭文

祭潮州府知府拘齋張先生文

嗚呼余之不獲侍於先生蓋兩年餘矣不意先生遂厭棄斯世絕予以繼見之期也往者予以甯氏求婚急於圖成倉卒趨議既至而先生迎我於門然予窺其色若不懌撫胸攢眉不已也所事既畢旋言歸去先生蹙然且欲援我以促膝深談假銜杯之興爲數日之歡而予以飢驅之故逐逐道路策馬西行回顧先生仍撫胸攢眉不已也嗚呼先生其遂以是牽纏不癒而去耶聞信悵慟不覺長號先生何遂絕予以繼見之期耶嗚呼先生氣和而剛神清而旺佐以賢明之婦承以直亮之子予方仰先生爲地行之仲望先生以期頤之壽何遂厭棄斯世絕予以繼見之期耶嗚呼今之所謂制義者靡靡矣詩古文更難言矣正希大士衆所尚也鍾陵慕廬時所宗也先生之取精會神且將駕而上之冰叔在南歐曾之亞也貽上在東錢郎之選也先生之遊戲筆墨且將追而步之而今也如此斯人之所以高於當世斯地之所以名於海宇者又奚望耶嗚呼先生真絕予以繼見之期矣

萍者地、悠悠者天、靈筵若在目而可卽、二豎竟
阻予而莫前、旣不能洒、憑棺之淚、又不得展復
土之誠、僅申鷄絮之弔、願先生其勿吐焉、

旭華堂文集卷九
祭文

祭考授州同徐吉人文

嗚呼公襄邑之傑士也。鄉國之人望也。余與公始交在金臺之客舍。蓋因公之令器與。余有一日之好而實公之姻家。爲余同年之莫逆兄弟也。二十餘年來。登公之堂。飫公之饌。接公之舉止。聆公之話言。周折繼繼。而公亦不惜拂清塵。移玉趾。時顧我於山村之敝廬。嗚呼公。今安往也。兩郎頭角。崢嶸氣宇。軒昂異時之建樹。都不可量。而余嘗竊議徐氏之門有人焉。而公竟飄然長往而不顧也。諸孫皆瑤環瑜珥。稱厥宗兒。

旭華堂文集卷九

四十一

祭文

薛鳳荀龍。自當爲斯世非常之寶。公卽作賦天上。修文地下。竟能拋此裏中之玉。掌上之珠。掉頭而不相念也。嗚呼公。遂安往也。我同年兄弟中。彼此心知如公之姻家。使我時時在眼。不能忘懷者。今復有誰也。公精孕姑。汾秀鍾參。井卓然衣冠之領袖。而悠然爲吾黨之深契。而今亦隨以相踵而去也。嗚呼。歿而有知。公與司銓公相遇於冥漠之中。脫屣塵塗。而高倚雲漢。一何暢也。徒使余孤立於混濁之世。虛遊於尸肉之場。余又何能不悲也。牲酒陳案。願言格歆。其勿

晒余之談談也

旭華堂文集卷九終

旭華堂文集卷九
祭文

聖

旭華堂文集卷十

祭文

公祭教授牛亮公文

嗚呼 朝廷職官之設莫甚於司鐸之難而世
之人皆漫然而爲之未有如公之能於其官維
彼人之居此未必不可以勉而能而狃於受納
之爲歡乃如公之所爲夫豈不知世人之多利
而惟顧名思義之爲安司諭乎靈芮兩邑而平
水之南入春風之座平水之北登仙杏之壇掌
教於雲中一郡而恒山之左奉安定之胡恒山

旭華堂文集卷十

祭文

之右仰昌黎之韓蓋其道高玉美望重瓊寒胸
明麗日筆湧翻瀾富羅五車可以待老生之問
精核三篋可以補故典之殘表範宮牆可以尊
臯比之席羽儀邦國可以光苜蓿之盤惟其學
業之超邁用式縫掖之聽觀嗚呼蒲霍之教兩
庠爭之而至以上干南平之教不剝諸生以肥
此一官數百年以來誰能肖曹之玉質誰能抱
海之鉄肝公則鶉觚世舊奇章派繁志寧在先
生之饌時乃快腐儒之餐其將景瑞或且希端
顧念臣齒之非昨遂以返駕而泥蟠嗚呼孤芳

將垂以百世七尺乃戢以一棺得無蓬島之遊
鞭風而掣電否則龍蛇之厄折玉而摧蘭是固
數之不可知而總以委諸逝水之滔滔與長夜
之漫漫嗚呼某等通門契結世好盤桓向聞高
踪欲立雪於函丈今交令子似學步乎邯鄲覩
人間玉樹之森森想天上珮聲之珊珊欽風喟
德有咨嗟涕洟而不自已者不過隻鷄斗酒以
蕭蕭之尺帛而表區區之寸丹

旭華堂文集卷十
祭文

公祭庠士張蔡老文

蔡翁先生既沒之十月姻友某某悲念不已具
牢醴庶饈之儀令王子爲文以某日陳於殯次
而奠之曰嗚呼先生天挺人英孕汾川之神秀
擷姑嶺之元精風度旣淵渟而嶽峙品格亦玉
潤而金瑩始含璞於鄉塾早見頭角之崢嶸倏
表樹於宮墻聿觀文羽之飛鳴維藝苑其高步
能尊聞而友聲樂門闈之輯瑞允祇父而恭兄
在族黨之雍穆歡然好篤乎宗盟乃親申之依
媚油然而情溢於舅甥實人倫之雅範立吾黨之

旭華堂文集卷十

三

祭文

儀旌若乃披月夜讀帶露春耕席豐弓冶耀跡
簪纓雖求田問舍不屑彼小夫之瑣瑣而品衣
節食則慎我故俗之硜硜宵旦罔怠出入維程
身操唐魏之節儉心善陶白之經營歎天篤之
已厚詎心較於義之重財之輕伊人望之特殷
孰能忘其濟之困扶之傾嗚呼先生如斯之德
實芳擬於蘭芷如斯之人應壽媿於蓬瀛餘蔭
之被兆衮烏之赫赫積慶之長卜螽斯之薨薨
某等誼切葭苒道叶鳴嚶贈答往來時親促膝
之好有無緩急每邀指囷之情訝仁人之倏謝

感依梁木、悼時日之易換、喟淹載牲、茲因孫以
設奠、達我姻友之夙誠、惟音容之不遠、庶歆格
於在觥、嗚呼哀哉

旭華堂文集卷十
祭文

祭甯問樵文

嗚呼問樵今竟死耶春夏之交聞向之所苦已
漸愈不覺失喜以爲從此可得脫然矣俄又得
貴邑人傳語謂藥不奏効病轉加劇因訪求醫
術之工者不可得得醫書所載病相似而方可
信者書一紙以相寄豈意竟以此殞生耶嗚呼
人生百年誰能不死顧世兄有未可死者祖宗
之名業自我而愈昌門戶之光美自我而愈盛
親戚之依倚恃乎我族黨之瞻望歸乎我世兄
今日詎能忘之耶前令器之酷沒尚含酸痛今

旭華堂文集卷十

五

祭文

兩郎之孤露尤觸情懷婦孺之號呼天日爲慘
衰麻之悽楚道路生悲世兄今日何以聽之耶
嗚呼世兄今日其能洒然長眠一往不顧耶我
之不才寧所不悉然而不能無意於我者亦傍
徨四顧無可如何之計也卽我之躊躇而却步
者亦自揣終無以副身後之托而不能無愧於
死生之際而所謂道途之濶遠室家之隔離者
猶是應答之婉言耳嗚呼世兄後死者今歲之
齒若何人之爲計每不審其修短而理之難問
數之難測總在此蒼蒼之表渺渺之中知今日

之談笑者來日尚能談笑否耶今日之悲勵於
已往者來日不爲後之人所悲勵耶嗚呼人亦
自問我生之立身制行已耳在官則爲功於官
在家則爲功於家在鄉則爲功於鄉在國則爲
功於國井里芘之衣冠仗之無事則相與樂之
有事則相與籌之縉紳樂道知名鄉國世兄於
今日真所謂豪傑之士矣烏能爲百世千年之
慮縈一日九廻之腸增無益之愁牽無涯之痛
哉嗚呼自今以後指桐邑而來東首裴邨當不
禁其悽然矣嗚呼哀哉一棺戢身萬事已矣在

旭華堂文集卷十

祭文

六

天不泯諸惟照臨衰老若弟雖庸劣無足重輕
然可以致力者尚不敢不自強也踞陳一卮願
言格歆

祭歲薦許子凝文

嗚呼公竟長往不顧耶古之所謂不事家人生
產作業者彼誠濶然不可以意測而今之奢逸
者輒舉以爲說豈復知三代而下學者當以治
生爲急耶公治生之才吾所心折而猶疑其量
之未滿公治生之道吾所私仿而竊意其方之
可推嗚呼公今竟長往不顧耶世之皈心浮屠
所謂俱空非有以生死爲夢幻泡影者彼豈真
能不惜此軀殼而自超於六合之外耶豈復知
儒者守身之學全生全歸啓手啓足固有至德

旭華堂文集卷十

七

祭文

要道耶吾聞公向年之調揖堅忍至於歷歲而
不語遂能祛久錮之病霍然而脫體公之保身
如此將誰與能之耶嗚呼公今竟長往不顧耶
夫治生所以爲光大之計保身所以爲顯承之
謀而迂鄙小夫且嘵嘵有餘議焉曾孟之言許
文正之論果塞耳而不聞掩卷而不觀耶嗚呼
公今竟長往不顧耶公之治生旣不可能公之
保身又未可及吾欲求今之如公者復何從而
得耶嗚呼公今竟長往不顧耶總帳之旁有牲
有酒願公不昧式穀而後嗚呼哀哉

祭于封翁文

夫人有德堪垂裕而痛積蓋愆才足紹先而情傷肯搆者矣此其於前後開承之際何如者卽使身邀袞宸之眷位躋槐棘之班名與山斗齊尊而齒與松喬爲伍吾知其中且有歉然不足者蓋父子天倫之樂人生之所不易得而凡人世之所欣美富貴壽考至榮極美之遭皆莫得而易之也維公耀河山之秀含參井之靈品則玉璞金渾度則風光月霽穿穴經壇高接毛鄭孔戴之武沉酣藝苑雅並班揚陶謝之肩鐸聲

旭華堂文集卷十

八

祭文

小試於沃庠鳳翼早戢於平水彥方修誼道化鄉邦希文樂施恩被井里排難解紛之義未足以擬其高解衣推食之仁亦難以罄其惠蓋公之爲子則以當代所共欽仰士大夫所共推服通都大邑深山窮谷婦孺卒隸所共知名之清端公爲之父公之爲父則以畿南北之棠蔭勿剪琴韻常清浙東西之民無遁情案無留牘今廉憲公爲之子子則克繩祖武而公不愧其爲父父則貽厥孫謀而公不忝其爲子此其於前後開承之際爲何如今日者卽御風長往絕景

遐征而要其父子天倫之樂爲人生之所不易
得者公旣已身享其樂作記天上而此樂亦未
可忘修文地下而此樂亦無窮已嗚呼如公者
極人世之所欣羨富貴壽考至榮極美之遭皆
無以易其樂而余猶有不能不爲公悲者則以
清端有子而予僅得聞其爲清端之子廉憲有
父而予僅得望其爲廉憲之父而旣愧不拜清
端之教而徒識廉憲之品而終不及從公之後
聆公之謦欬瞻公之風儀而以維桑之交申登
堂之好親見公之享有父子天倫之樂也嗚呼

旭華堂文集卷十

祭文

九

祭梁統一文

大塊漠漠俯仰無垠我於其中泡影寄身公也
坦坦質茂氣淳松喬是偶彭聃爲倫謂宜優養
綿履千春憶在庚子已及八旬忝屬知好聞之
歆心載趨堂祀載肅冠紳載理杯竿載酌清醇
轉辭醉飽公笑閭閻俄爾時變飄忽飛塵五易
寒暑遂成古今公也克家公實自珍孫繩子述
符定洪鈞地有用嶽天有星辰仙靈維柱公得
其真願公好德勿爲逡巡牲鬲在列庶品斯陳
區區之誠用展茲辰嗚呼哀哉

旭華堂文集卷十

十

祭文

其真願公好德勿爲逡巡牲鬲在列庶品斯陳
區區之誠用展茲辰嗚呼哀哉
祭文

祭通判段贊玉文

嗚呼段君如君者胡以然耶稟通脫之性既不
鑿其天席積累之厚應且永其年處文物風流
之地華靡相高之時而又能從遊端士之門希
蹤高人之武尤宜爲造物所重惜而與彭聃相
後先如君者胡以然耶嗚呼段君始吾與君相
識於京邸儼乎彼都之翩翩偉貌豐頤氣昌而
神全繼聞君督糧於楚北之首郡卓乎經濟之
可用而上官且任之甚專漕艘上下江河數千
里而能使風浪之無權已復聞君厭跋涉之勞

旭華堂文集卷十

士

祭文

藉時例而取司馬之銜將進而圖制方面以大
展其生平之蘊函嗚呼段君如君者胡以然耶
君之病也吾欲趨視之而未能而僅通問以一
箋君之歿也吾欲撫棺一慟以抒吾之哀思而
老泪空洒俗冗羈滯曾不免於遷延嗚呼段君
一棺戢身萬事已矣昔之爲人所羨者今乃爲
人所憐矣昔之所謂堂皇者今頓易以几筵矣
昔之所謂駟馬高車卒史左右夾道而疾馳者
今遂變而丹旒素旒紛設帷殯之次行道之人
太息於其外親賓白其衣冠哀歎於其旁兄弟

子姪擗踊長號於其前矣嗚呼段君如君者胡以然耶將謝塵俗之擾攘樂星漢之雲烟耶將產靈芝而莖九開寶樹之葉千耶將修文乎地下賦玉樓乎天邊耶將西登靈鷲而睨牟尼東遊瀛海而傲偃佺耶吾不測其所以然乃爲君漉酒乃爲君擊鮮君而有知毋哂我之衰衰

旭華堂文集卷十
祭文

祭教諭馮上益文

嗚呼余求友於四方慨賢豪之不易得乃如先生之爲人胡又奄忽乎不測蓋自二豎之見侵早縈廻於此心迨愈久而弗廖迫若聞乎呻吟顧謂天道之福善應綿歷而勿倦縱微損於眠食諒大德之終眷詎運數乖錯而無常被蒼昧然而若忘度全歸以何限徒痛余之肝腸念江河之日下抱孤懷而誰寫舉誇鬪以示靡孰若先生之風流而瀟灑選絳水之衣冠人自許以魏韓乃飛蓋投轄之豪舉獨先生綽然而盤桓

旭華堂文集卷十

三

祭文

矧其爲名父之子白石之行業已觀厥止先生尤能出塵瑤之表而世濟其美矧其爲難弟之兄駐顏之文學已掇其英先生更能樹騷壇之幟而并高厥名嗚呼明發友于之行久不聞於門內白飯青芻之供久不傳於流輩如先生之爲人與物無忤滿懷皆春率其天性篤於人倫豈非鄉井之模楷邦國之鳳麟也哉嗚呼余行四方所見當世之士亦夥矣如先生者乃不儕於庸庸乃獨超於瑣瑣質之君子長者莫不低眉拱手以爲可胡高高在上而偏與人相左耶

嗚呼漢則君卿唐則介夫以今方之二馮之目
何必其不相符形貌雖與化而偕往而其名則
終古而不徂攬余涕兮慰諸孤陳牲一列兮載
酒一壺生也延我於室沒也毋棄我於塗嗚呼

旭華堂文集卷十
祭文

祭明經馮四照文

嗟嗟馮子乃遽至於斯耶人而遽至於斯者不
少乃馮子而亦遽至於斯耶嗟嗟馮子始吾觀
於絳陽之習而於子不能無疑也將以爲裘馬
之英少而酒食以遊嬉否則脫畧乎繩墨而劍
佩以驅馳否則修王謝之風流而奕譜畫苑以
自怡否則步朱郭之輕俠而負氣仗義以爲期
而顧不然也方吾與子相遇於北郭之外望之
昂昂而卽之溫溫吾以爲是君子之容也而其
中或未可知及與子周旋乎岩洞之側探經世
之要求入道之方吾以爲是學人之務也而其
行或未可知旣而與子深坐劇談彌日竟夜邀
子之好不以余爲鄙而且以爲可與相資也吾
見其自治則行以矩而言以規也吾見其事親
則使以氣而指以頤也吾見其友弟則伯氏壻
而仲氏篋也吾見其嗜學則息深深而功孜孜
也吾見其與人則意切切而語惓惓也嗟嗟馮
子如斯人而當止於斯耶天之生斯人將以何
爲而乃令其止於斯耶豈其別有說焉卽天亦
不得而主而竟令其止於斯耶麟角鳳毛超凡

之姿景星慶雲間出之奇是固天之所甚惜而不欲其久困於塵迷抑神龍之出見其首不見其尾威鳳之鳴適其偶非其所常故不獲長留於時耶嗟嗟馮子是可悲也尊君不及享子之封貶世父不及見子之奮飛鄉邦不及被子之德施國家不及聽子之規爲子弟不復奉其提携友朋不復瞻其威儀碎崑山之玉萎鄧林之枝嗟嗟馮子是真可悲也哀蒿蔚以銜恤孤膝前之佳兒悵伉儷於永別寡閨中之弱妻劬勞心傷藁砧何歸嗟嗟馮子是尤可悲也吾欲蔚

旭華堂文集卷十

七

祭文

子以天上玉樓之賦誇子以身後寶誥之詞而追憶馨欬長增吾之歎歎想像容止益添吾之涕洟嗟嗟馮子吾不意如子之人而竟止於斯牲陳一列酒載一卮諒不吐棄翩然來思

祭趙封翁文

嗚呼人生父子之際顯榮易期而作述良難天生令父必有令子爲之後而父乃以子而傳天生令子必有令父爲之先而子乃以父而賢古君子孝慈忠厚之懿行其生也邦國奉爲羽儀而其歿也勿論識與不識罔弗拊膺而長嘆若夫太公先生之仕而隱隱而顯也學究天人之奧而位列潛見之間乃存心利物不卑小官雲烝河潤近幾得一吏而三邑之民舉安桐鄉俎豆所以迄今不遷也烝乎負子乃賦歸田問字

旭華堂文集卷十

七

祭文

之履恒滿過庭之訓彌專謂文藝猶末而品行宜端感先世焚券之義毅然捐貲而卹艱助婚掩骼仁心藹然迨乎三子之鸞翔人稱一誠之格天偉哉我公先兩弟而着鞭試雄才於發軔於小邑乎烹鮮四載膏雨尚譜歌絃擢僊令於要地勞諫臣乎河干効王事之馳驅違膝下之周旋夫何諫章甫奏訃報忽喧悼耆英之頓忘洛社惜司諫之暫去朝班一識掩泣九列哀纏况某等久庇宇下夙荷陶甄感今昔之分誼實休戚之相關瞻帷赴弔握手哽咽然而勉爲司

諫公慰者壽軼八旬綸封一命承殿陛無已之
寵享人間難得之年太公可以含咲於九京而
公也移孝作忠顯親揚名以埃表墓而廣阡將
所謂賢者益賢識淵源之有自而傳者永傳衍
世德於不刊矣然則不腆些言亦姑托之哀猿
怨宇微情而望蜀山以致虔云爾

加華堂文集卷十
祭文

六

公祭李明經封君夫婦文

嗚呼聿山川之秀異畀元氣而挺生資乾始以
涵粹應坤簡而化成協兩儀之氣氤曰玉潤而
金瑩旣考祥以受吉宜匹久而永貞矧素稟之
仁靜含大造之滋榮胡然而歛少微之彩胡然
而隕婺宿之精胡然而箕尾長逝胡然而雀馭
遐征緬雅範之如昨追慈儀之莫京公則寧靜
而淡泊母則溫厚而和平公則杖履春風壇坫
化雨允矣士林之宗盟母則德耀相夫恭媠訓
子儼然女道之章程維冥鴻而高騫爰文鳳以

旭華堂文集卷十

九

祭文

和鳴謂茲二美之希覲用是千祥其疊呈雙珠
之耀奕奕片玉之輝盈盈竹之立斯濟濟蘭之
秀斯英英不獨詩禮傳其弓冶抑且武文世其
簪纓虎氣龍文而騰上金檢玉芝以崢嶸五福
集而箕疇重衍三多備而華祝載賡固君家之
獨美曾誰氏之可衡卽此生之長謝復何事而
內櫻嗚呼姑山兮右峙汾水兮左縈雲縹緲兮
月橫彷彿人兮被杜蘅蕙爲帶兮芝爲纓駕鸞
輶兮騎長鯨飈雷電兮後隊飛龍蛇兮前旌華
官兮貝闕挾曼倩兮侶飛瓊吁嗟兮二老胡不

歸兮載酒陳牲若有動兮欲下警若見兮明明

旭華堂文集卷十
祭文

三



公祭李明經封君夫婦文

嗚呼公與孺人福則齊矣壽則并矣振先代之
懿緒啓後嗣之休聲以吾心則無憾以人觀則
甚榮審如是則與萬物同化者塊然暫聚之形
不與萬物同盡者卓然不可泯之名是生固生
也卽死亦猶之乎其生又何有於吾人之流連
感嘆欷歔不勝情也哉維公金玉其質砥礪其
程風斯邁矣而佐以孺人少君孟光之行或則
宮牆表其高潔或則閨閣著其柔貞而總爲人
倫之模楷而名教之于城嗚呼今之人何如哉

旭華堂文集卷十

三

祭文

求一官而不得輒輟藝而廢經公何獨內顧則
重而外視則輕縱時命之不偶惟物我之兼成
寧抱璞懷珍而必不爲旁門異竇之營營且以
婦人女子之見誰處豐而能約誰履高而如平
况以艱難操作之身而坐膺夫華旌顧乃環珮
不飾錦綺不爭藜杖蒿簪亦惟是稱薪數米之
涇涇嗚呼士大夫當流俗波靡之日思欲正內
外存典型若公與孺人者烏得不以之矜式而
師程也則夫公與孺人何必不百歲何必不千
齡而猝焉脫駕西土聯袂東瀛也夫生爲正人

沒爲明神意其流動充滿於天地之中者必有
顯顯赫赫之精英或開寶樹之千葉或產靈苗
而九莖則其所化者固是塊然暫聚之形而其
所存者亦不徒卓然不可泯之名而予輩猶然
流連慨歎歛歛而不勝情者蓋以人倫之失其
模楷而名教之喪其干城

旭華堂文集卷十
祭文

祭候選縣丞巨圖南文

嗚呼叢蘭欲茂秋風敗之余悲圖南親家之歿而不勝天人參差之感也姿儀碩大局度偉然今之都高位享厚糈仗節擁麾呼吸風雷者其人不過若是而乃以若是之槩而使之終不用於時思慮沉毅胆決敢前古之當事慷慨臨機制變收功千里揮霍廟堂者其人亦不過若是而乃以若是之氣量而使之終不見於世方今西隅多事朝廷不能無所瞻顧駝馬旅進百需悉預樞部仰籌督師却顧得如我圖南親家

旭華堂文集卷十

三

祭文

者一展布其間安知不能紓宵旰之憂奏朝食之勲耶嗚呼以若是之人而竟不永其年而且長歸於九原嗚呼骨肉滿前賓友銜酸昔何以鼓掌而長笑今何以寂默而無言謂化人之爲侶抑空宇之飛煙牲體具陳醴味湧泉君其歆此毋爲棄捐

嗚呼先生時俗之敝何擾擾也人心之不古何若彼之巧也余無知之人耳世之不樂余者固多而以余之見人之足以厭余心者亦何少也先生行於家則巨室之人傑處於鄉則里社之民表說經而求切已則此邦之士望用世而必敬官則彼都之國寶愛子教之以義方則風尚殊絕而特著高標結友不忘乎平生則財利漠如而能全宿好凡此皆縉紳之家豪華之士之所不欲聞而先生獨超然時俗之外而堅壁自

保而余所最罄心而思服者則尤在性情之真而足以合乎至道則尤在服用之儉而有以輓乎末造嗚呼先生先生初未必知余也而余則一見而能辨自以爲知人之旣早後未必不忘余也而余則旣別而神依自以爲好德之誠之有以相考嗚呼先生道德之澤庶以親仁義之府庶以飽矣如今日而有斯人詎謂之多不謂之少矣余齒雖後亦已老矣念騷憂之如醉不得相向而傾倒矣卮酒杯羹彼貧乏者未敢小矣却祿而弗顧避勢而弗就彼高尚者諒非矯

祭候選知縣水紘段先生文

嗚呼君遂已歸於冥漠之鄉耶君之丰儀猶在
予目君之警欬猶屬予耳而今者人言藉藉乃
遽傳窀穸之期魂魄永辭於斯人之聚而長往
不返耶嗚呼君果何爲厭棄乎斯人而如是其
決耶嗚呼君之先人予所式也君之賢嗣予所
知也君之族戚予所夙交也凡予之往來而稱
好者皆君之契結而相依者也君奈何一切謝
絕而與松栢土窟爲緣耶嗚呼君生平信心桑
門皈依釋法遠光塵之未俗而頂禮丈六之金

旭華堂文集卷十

三六

祭文

身寫圓足之妙容而優供伊蒲之盛饌梵唄之
音時聞聲口膜拜之禮委地致恭謂是慈雲之
覆千祥益涌慧風之拂百福駢臻鄉邑之保障
當叨恩於指日民庶之父母卽受命於今茲夫
何偶爾失調二豎誅張慨彼蒼之茫茫竟形神
其頓離嗟室家之完好視棺衾之赫陳破山之
呼殷殷在堂長江之潰淋淋在唾友朋聞訃而
涕洟姻戚拊心而長號維日月之不居旋丹旌
之風繞使我哀悼無已氣蹙神耗論車馬之戒
塗將抒予心之鬱陶乃官骸之不從約遂逡巡

而中止維昆弟之能代用托情以達禮菲兮惟
悃誠之將髣髴兮庶在天之來享嗚呼哀哉

旭華堂文集卷十
祭文

三



陽燧之珠燭溪之魚在天下之有非知而文哉
而中其歸也者之謂外則功於世而內則

祭長兄文

嗚呼哀哉此日何日兄遂泯然不顧耶乃使弟不復有長兄耶弟情甚苦弟心欲碎兄知耶不知耶白衣如雪甲者闔門兄見耶不見耶親知揮泪子弟長號兄聞耶不聞耶此象何象兄遂泯然不顧耶以某之迂拙廢無益於家天胡不取之以去而使我兄頓絕斯世耶兄平日無事不念及之如某今日兄顧不念耶兄器局爲先人所稱調度爲諸父所賴才望爲鄉井所仰今黃童白叟人皆咨嗟兄果安往耶弟等無狀使吾兄十數年獨官於數百里之外不能左右就養兄曾不一言見責而今使兩子爲後兄笑耶怒耶某之無具兄所知也兄之英氣天所許也自今以往兄其上請於帝默佑我家使人皆和好無生是非使人知勤儉無爲耗蠹庶幾吾兄念家之思稍慰弟亦可藉以見吾兄於異日耶兄寧得不顧耶

祭八弟元章文

嗚呼弟之歿忽已七日矣舉家之人內外老小無不爲汝號慟宗族鄉黨親戚朋友無不爲汝灑泣汝若有知亦且應自悲耶年僅四十外耳意氣方壯志趨頗高行不詭隨心復爽直談吐侃侃舉止昂昂天旣予汝以美質何不並予汝以長年耶汝諄諄以立後爲念今五兄以少子嗣汝汝今爲有子之人矣其亦可以無恨耶二兄不幸而先歿而汝復不善自捥而短汝之年使我輩相對而悲嘆自今以後當爲汝留心家政凡汝生平之所欲且徐爲汝一一而圖之必不使汝有泉下之憂也十一弟爲汝治具以奠使九弟十弟率諸姪佐以成禮而且令抱汝嗣子而旁視之汝若有知其翩然來歆耶

旭華堂文集卷十

三九

祭文

祭田師母馬夫人文

嗚呼仰天地之配序兮維成化於二氣從古之
暨立盛時而內與相助爲理者道靡不興思於
伉儷然孰有淑問暉章俾與聞令德者之瞻切
而徬徨如夫人之視曩昔允增美而軼芳夫女
德莫尚乎窈窕母儀莫尊於曾孟之教設制行
之勿倫縱極人生之榮適而亦安所道維夫人
邁散朗清映之姿苑京陵東海之遺凡行止之
著在中閨者無弗可欽而可儀當其歸我夫子
屬天作比比伊何貞靜而止煥乎或以爲珪

旭華堂文集卷十

祭文

三

之儷璋馨焉抑以爲蘅之和芷是以試花封陟
司農敷歷中外由卑而崇位則顯矣而碩德重
望巍巍百爾之宗在當代僉多其賢助卽夫子
亦謂於我乎有功然鼓瑟成詠齊眉致敬或亦
士女之行而螽斯麟趾調網緼之和而收蕃衍
之慶繫非惠好超絕鮮不以爲壺範之病而以
撰之於夫人將得不推爲女中之聖用是克諧
厥家象服非所侈而人樂燦燦之笄珈蓋式化
於柔嘉用是克昌厥後丸熊封鯨非所事而人
皆龍荀與桂竇蓋少長服習於慈闈之左右嗚

祭張母王孺人文

嗟嗟我姑乃遂長徂彼蒼何意斯人何辜斯人之生厚德豈誣云胡不淑每多艱虞子歸之始德耀相夫餐盤藥裏何有何無黽勉周張不憚勤劬旣娠旣育子女呱呱旋以設悅旋以懸弧方喜輒悲底事長吁及爾暮年獲此掌珠宜家宜室幸有多雛夙興夜寐拮据瘁瘠厚德篤生類及葭苒兒女之愛況在吾徒膝前色養潤積心孤初夏歸里秋重始趨望顏心惕能免踟躕不期條忽遽爾長徂念我生平悔我失圖萬感庶其歆乎

祭文
九華堂文集卷十

三

交集含辛茹荼薄設殽醴仰天號呼在天有靈

庶其歆乎

宜室幸育參麟夙興夜寐拮据瘁瘠厚德篤生類及葭苒兒女之愛況在吾徒膝前色養潤積心孤初夏歸里秋重始趨望顏心惕能免踟躕不期條忽遽爾長徂念我生平悔我失圖萬感庶其歆乎

祭梁母段安人文

彼其塊然萬物之中盲生昧死了無救於斯世者雖列在衣冠儼然鬚眉俊許史金張之富誇田實衛霍之榮吾不敢一過而問也若乃都豐餘之舊而服用獨儉習靡麗之鄉而性情偏淡雖笄禕之流職惟巾櫛閨門以內無事詩書不必其咏雪之聰不必其辨琴之慧不必其傳經之哲不必其續史之文吾誠樂得而道之以與古人較輕重且藉以爲世風也若安人者吾豈能已於心哉安人之行夫君所述賢子所陳吾

旭華堂文集卷十

祭文

三三

業以據而文之墓道矣今安窀有期吾且將爲安人執題主之役吾其能已於心哉吾旣牽混塵濁不能自主而環顧吾黨又皆波靡乎紛華之場而無以出乎流俗之外也吾聞夫人尚儉之德好淡之情是真能有所救於斯世而爲衣冠之所俛首鬚眉之所却步者吾其能已於心哉特具一酌庶幾來格

祭梁母段安人文
其對梁母段安文中言主相及下無姓於世

公祭梁母王夫人文

平陽知府諱繼祖母

嗚呼夫人令儀云邈慈範曷遵泰嫉之教澤斯
在京陵之典禮誰陳徒慚瓣香之侶空來炙絮
之賓嗚呼夫人引發篚篚而結涕歌聽薤露而
含辛悵皇妃於湘水哀帝女以海禽此惟常情
之永歎况屬夙仰之尤深嗚呼夫人長白耀秀
於明璫鴨綠流采於華簪四德應其素稟三從
知所夙欽染王宮之陰教標帝里之女箴嗚呼
夫人槐有堂而仙姝是育鸞在廡而良媛作嬪
燕山騰瑤光之萬丈越水撐玉節之千尋實能

旭華堂文集卷十

十四

祭文

佐趨朝以鳴珂抑亦助入廟以采蘋嗚呼夫人
堦前種謝家之玉天上來徐氏之麟桂視五而
多寶龍雖六而兼荀烏府黃堂以雙璧建牙擁
轟以千金嗚呼夫人額點蘭芽之藪膝遶瓊樹
之林陳羣初無慚色顧和良足賞心羨孫曾之
濟濟配元愷之森森嗚呼夫人婦職則軌同戒
旦母道則風追擇鄰白髮而膺家督醜顏而捧
天綸謂是起居者八座且當遊戲以千春嗚呼
夫人藁砧先摧於夏令環珮頓解於秋旻念暮
月之未半竟二老之俱淪能勿悲兮萊子誰當

慰乎安仁嗚呼夫人茲地之幸有賢守亦冀其
永庇我民訝前此之罹變爭上請而哀吟方恨
所欲之弗遂乃更何恃之見侵嗚呼夫人貴則
二品壽且八旬在天道或有數以民情則何伸
惟隸版之不堪將附蘭其能禁嗚呼夫人文舉
終無以拜母劇孟自有以榮親將楊子之宅日
遠卽李君之御奚因奉號慕之孝子信聰直之
明神嗚呼夫人靈淑從西池之籍上果証南岳
之真豈必留連於列鼎徘徊於累茵蓋已批糠
乎人物平等乎高深嗚呼夫人

旭華堂文集卷十
祭文

祭劉太恭人文

太君有子吾道其東因子知母是惟女宗桓桓
太宰聲垂北海奕葉光生珠玉呈彩爰及相攸
曰嬪於劉姬姜仁淑邃宇優游乃湖厥始忠直
凝社分陝之烈施於孫子用是宜家樂此笄珈
碩人頎頎德音孔嘉肅肅莊案申申戒旦續膏
佐讀公子在泮五桂敷榮九萬爲程內德之茂
門襲簪纓堂前諱語況在吾侶乃娣若姒倡予
和汝同祖相親同井相鄰迎以善氣滿懷皆春
下逮僮婢惠和斯被怡怡承顏曾無虐累乃瞻

旭華堂文集卷十

三六

祭文

堂闈衣惡食菲恭勤慈儉雲輿日暉由茲聖善
瑞啓英彥鄧枝崑玉龍翔虎變祥和霞蒸祖武
孫繩竹立蘭苗翩翾蔚興受天之祐帝眷我土
之子矯矯以備西滸天室干城吾門崢嶸河汾
之次鷄犬無驚彼蒼何狀陟屺何望斯人何辜
牽我屏障嗚呼哀哉賢如太君正爾榮芬三多
之祝會且修文今也已矣轉悲失喜於邑累日
黽勉爲此牲鼎羹餼聊用薦馨冀我微悃或達
冥冥神飛海嶽哀裳在幄願言保之聲聞卓犖
嗚呼哀哉

祭王母陳孺人文

余不得接徵君之儀容聞其謦欬已有年矣庚寅之秋余過猗訪喬郭二先生因爲問徵君之子明經何患近狀若何二先生慨然太息指其所居謂余曰徵君之室今獨恃一陳孺人耳嗚呼歷陽先生自祖先以來累代醞釀文章科第貴盛之門遂至此乎旣而明經扶病強出以父執之禮乃先來視我余從喬郭二先生往答之遂從請起居孺人於堂下孺人肅容欽手侍婢扶之拜於簾內且哽咽歔歔呼左右引余啜茶

旭華堂文集卷十

三

祭文

且謂余曰徵君早世兒子嬰疾未亡人今已七十有餘旦暮人耳男女孺弱門戶凋悴諸君子倘不忘徵君幸顧念之余時顧瞻堂宇回念疇昔不覺揮淚痛孺人之言之哀而未察孺人之意之所期將大有造於王氏也今者明經遠使忽以二月五日之訃臨我山居嗚呼哀哉王氏之所恃者今復安恃也余窺孺人之所不足於心者文學之富科名之盛不能如前日耳若乃完室家督課程保守先業恢拓門風以振歷陽之緒以揚徵君之光孺人於心又奚所不足乎

喬郭二先生今已復不世矣地下與微君相見
當已從道之也孺人可以無愧微君矣雙瞳擾
我寫心不遑曝薦輸誠寧不我顧嗚呼哀哉

旭華堂文集卷十
祭文

三



其心不獻歟微誠結學不徒爾和哀哉
習之翁重文也鄙人所以無射於君矣雙瞳擾
其心不遑曝薦輸誠寧不我顧嗚呼哀哉

祭李夫人文

嗚呼夫能享綸綍之寵膺冠帔之榮增色於室
家流聲於鄉國者謂徒其得天之厚有以異於
人哉若夫人之爲姑太君之爲媳其才其德亦
今世之杳然寡儔不可易得者矣夫人以明經
之孫文學之子秉貞一之女德襲儒素之門風
旣歸於少宰先生稚齒督家女士作儷特修齊
眉之禮用能起如賓之敬焉郡守監司兩賢子
堦下列冠冕以承歡堂上實篤慈念而垂範焉
省郎諸孫怡怡膝前帶笏之雍容猶申誠之不

旭華堂文集卷十

三九

祭文

忘焉而尤難者司馬之憂在乎疆場而逆藩之
敗決諸巾幗此尤其表表流芬齒頰者也乃若
太君以京邑之令姿當二七之妙齡巾櫛幸侍
於君子綉褵遂撫乎掌珍則儼然貴室之婦鉅
公之配金屋之質聳壑昂霄之母焉上繼太夫
人之懿躅中佐名太守之治行下撫粉署含香
之令器以顯天卿邦治之弘効使人羨玉質之
特異天寵之非常良云福厚惟德馨者矣嗚呼
難哉某嘗望先哲之顏色實三世而言交聞靈
萱之繼萎恨不早臨總帷以慰哀號今奉訃之

已久况素車白馬已濟濟於荒郊執紼莫能遙奠一爵以陳嘒嘒嗚呼哀哉

旭華堂文集卷十
祭文

四

祭盧母某孺人文代

嗚呼我外祖母却絕塵凡超遊仙界於今已不
覺五十有餘日矣仿自山陰叔父奉文赴官之
日已爲父親申稟脩陳顛末度我父久悉此情
洒泪署齋計有假歸修禮之時而不意日月不
居瞬息之間遂已五十餘日也忽忽至今今日
則我父累年趨祝外祖母壽誕之日我母及子
若女追隨承歡之日也我母念覆載之恩仰山
之重稱壽仍此日骨肉仍此人而音容杳然禮
文不具無以申孺慕之思迫仿以倉卒供辦拮

旭華堂文集卷十

祭文

四一

据將事不及埃我父之命遂爾舉祀事於茲辰
也外祖母在天之靈當必不遠鑒我微悃翩然
笑臨羹飯成列來格來歆嗚呼哀哉伏惟尚饗

嗚呼我外祖母却絕塵凡超遊仙界於今已不
覺五十有餘日矣仿自山陰叔父奉文赴官之
日已爲父親申稟脩陳顛末度我父久悉此情
洒泪署齋計有假歸修禮之時而不意日月不
居瞬息之間遂已五十餘日也忽忽至今今日
則我父累年趨祝外祖母壽誕之日我母及子
若女追隨承歡之日也我母念覆載之恩仰山
之重稱壽仍此日骨肉仍此人而音容杳然禮
文不具無以申孺慕之思迫仿以倉卒供辦拮

祭從妹盧孺人文

嗚呼孺人在室而稱女宗于歸而修婦職垂老而有子有孫顯於族黨教慈教孝化及比鄰儼是此邦之模範居然梓里之完人范陽名族樹標於百室烏衣舊第光耀於千春嗚呼孺人當結褵之初吾祖猶在堂也睽念西向時若難忘而若翁以爲豆粥麥飯可以供而飽天吳紫鳳可以完而衣而吾家之世澤書香猶可以延及世世嗚呼孺人今吾祖之墓木拱矣吾叔父之手澤筆墨亦已若存若亡矣少小之兒女亦皆可言婚嫁矣而孺人乃不肯少留以娛此殘年而竟渺然天上也嗚呼孺人我輩其照常例用展夙昔孺人聞之其必來格來歆乎

旭華堂文集卷十

十一

旭華堂文集卷十終

